

১১নং কালিকাপুর ইউনিয়ন পরিষদের
২৬শে জানুয়ারী-২০২২ ইং তারিখে অনুষ্ঠিত ইউনিয়ন পরিষদের প্রথম সভার কার্য বিবরণী :

সভার সভাপতি : জনাব মোঃ আশরাফুল ইসলাম, চেয়ারম্যান, ১১নং কালিকাপুর ইউনিয়ন পরিষদ, মান্দা, নওগাঁ।

সভার তারিখ : ২৭/০১/২০২২ খ্রি রোজ : বৃহস্পতি, সময় : বেলা ১১.০০ ঘটিকা।

সভার স্থান : ১১নং কালিকাপুর ইউপি কার্যালয়।

আলোচ্য বিষয় :

- পবিত্র কোরআন ও গীতা পাঠ।
- দায়িত্ব হস্তান্তর ও গ্রহণ।
- পার্স্পারিক পরিচিতি, মতবিনিময় ও স্বাগত বক্তব্য।
- মাসিক সভার তারিখ নির্ধারণ।
- গ্রাম আদালতের তারিখ নির্ধারণ।
- ব্যাংক হিসাব সমূহের স্বাক্ষর পরিবর্তন।
- ইউনিয়ন কমিটি সমূহ সংশোধন।
- বিবিধ আলোচনা।


আলোচনা ও সিদ্ধান্ত :

০১। পবিত্র কোরআন থেকে তেলাওয়াত :

অদ্যকার সভায় সভাপতিত্ব করেন নবনির্বাচিত চেয়ারম্যান জনাব, মোঃ আশরাফুল ইসলাম সভাপতি মহোদয় সকলকে শুভেচ্ছা জানিয়ে সভার কাজ শুরু করেন। সভার শুরুতে পবিত্র কোরআন থেকে তেলাওয়াত করে গীতা পাঠ করা হয়। তিনি অত্র ইউনিয়ন পরিষদের সরকারি ও সার্বিক কার্যক্রম পরিচালনায় সকলের আন্তরিক সহযোগীতা কামনা করেন। এরপর সভাপতি মহোদয় ইউপি সচিব জনাব মোঃ সানোয়ার হোসেনকে সভা পরিচালনার জন্য অনুরোধ জানান।

০২। পারস্পারিক পরিচিতি, মত বিনিময় ও স্বাগত বক্তব্য :

প্রথমে ইউপি সচিব জনাব মোঃ সানোয়ার হোসেন নিজের পরিচয় প্রদান করেন। এরপর সকল সদস্য সহ উপস্থিত সকলকে নিজের পরিচয় প্রদান করার অনুরোধ জানান। সকল সদস্যসহ সংশ্লিষ্ট সকলে নিজের পরিচয় প্রদান করেন ও পারস্পারিক মত বিনিময় করেন। ইউপি সচিব মোঃ সানোয়ার হোসেন সভায় জানান বিগত ২৮ নভেম্বর ২০২১ ইং তারিখে নির্বাচন অনুষ্ঠিত হয় এরপর পহেলা জানুয়ারী ২০২২ ইং তারিখে গেজেটে প্রকাশিত হয়। উক্ত গেজেটের আলোকে ২৬শে জানুয়ারী ২০২২ ইং রোজ বুধবার নওগাঁ জেলা প্রশাসক মহোদয়ের কার্যালয়ে সকাল ০৯.০০ ঘটিকায় চেয়ারম্যানের এবং ২৬ জানুয়ারী ২০২২ ইং রোজ বুধবার মান্দা উপজেলা নির্বাহী অফিসার মহোদয়ের কার্যালয়ে বেলা ১২.০০ ঘটিকায় ইউপি সদস্যগণের শপথ অনুষ্ঠিত হয়। অদ্য বেলা ১১.০০ ঘটিকায় পবিত্র কোরআন থেকে তেলাওয়াতের মাধ্যমে নবনির্বাচিত পরিষদের প্রথম সভা অনুষ্ঠিত হচ্ছে। চেয়ারম্যান মহোদয়ের অনুমতিক্রমে অদ্যকার সভায় সকলকে স্বাগতম জানাচ্ছি। এরপর ইউপি সচিব সকলকে প্রাণবন্ত আলোচনায় অংশ নেওয়ার আহবান জানান।


মোঃ আশরাফুল ইসলাম
চেয়ারম্যান
১১নং কালিকাপুর ইউপি
মান্দা, নওগাঁ।